

Misamangahay i ira:to ko satefoc

Sowal sa ko mato'asay, i nga:ra' ira ko cecay a kakitaan no niyaro'. Mata'lif ko pi:na a mihcaan, lasawad lasawad sato ko ^emin no paro^ no loma', dengto o mafodihay a mato'asay a fayi ato sona ko fadoc noya kakitaan. Saka caayto ka dimokos ko omah ato sayloh naira, tano fohkad sato no 'a'adopen, ralimowad sato ko 'a'adopen itira.

Yo cecaay a romi'ad, marimorak ko niyaro', orasaka. Sowal sato ko mama no kapah, tanamaen ita a somowal kora mato'asay a fayi noya kakitaan, a itira kita i sayloh naira a mi'adop saan caira. Saka sowal hanto no mama no niyaro' koya fayi, “ Ci demak ko niyaro', saka, masa itini kami i sayloh no namo a mi'adop ” han naira a somowal koya mato'asay a fayi.

Sowal sato koya mato'asay a fayi, “ mamaan, olili, ono niyaro' a demak i, fa^calto ” saan kora mato'asay. Onian saka itira a mi'adop ko kapah no niyaro', so'linay, adihay ko tama' naira.

Yo taloma' to caira nai lotok a mi'adop i, masasowal caira “ pafatisaw ita koya mato'asay a fayi ” san caira. Sowal han naira, “ fayiaw inito kami, mapatodong no niyam ko no miso a tatodong ” han naira a pasowal. Sowal sato koya fayi “ hay 'inay ini ko fasolan, telien itini ” saan.

Niteliteli sa caira to tama' i fasolan iri, tepo^, tepo^, tepo^ saan ko yananto a cecay a tangal no 'adopen a nipateli, lotanal sato koya tangal. Mafodih koya fayi caay ka 'araw niira koya tama'. Maherekto, sowal sa koya kapah “ hatinito ha fayi a taloma'to kami ” han naira.

Narikoran noya kapah, colcolen noya fayi ko sona “ faengaw, dada sa'opoen koya tama' i fasolan ” han niira. Sowal sa koya sona “ icowa kiya tama', cecay ko tangal no 'adopen ” han noya wawa a pasowal koya fayi niira.

Itaya sato, mafana'to koya fayi to o misamangahay aca kora kapah. Saka mita'ong ciira to Kawas, sowal sa “ Malataw a kawas macekor no miso ko nidemakan naira, saka kiso sato ko mafana'ay haw ” saan ko pita'ong noya fayi.

Oyanan saka makedalto ko karayan, saromi'ami'ad sato a macidal, caay ka 'orad. Makersahto ko sa'owa ato nemnem, awaayto ko nanom no finawlan.

Onini a kimad o pasifana'ay kitaanan. O nika sasidamadama ita ko nga'ay a ma'orip itini tona hekal.

(文章大意 僅供參考) ※字數限 200 字

欺人太甚必有報應

古時有個望族漸漸沒落，留下眼瞎老太婆和一位乖巧小孫女。他們的田地與傳統領域，到處可見獵物的蹤影。有天，部落舉行慶典，找老婆婆商量在傳統領域打獵。部落的年輕人滿載而歸，要分享獵物。老婆婆請他們放在藤蓆。年輕人就碰！碰！碰地拿著獵物的頭摔來摔去，好像很多的獵物掉地上老婆婆讓孫女把獵物堆放起來。小女孩說：「只有一個獵物的頭」。老婆婆被騙了，就向上蒼祈求神明施行公義，大地開始乾旱，人們沒有水可用。

O ci'icelay a misi'ayaw to 'orip

I a:yaw no falo polo' a mihecaan. Malalood ko Amilika^ ato Ripon. Matahidang ko i niyaro'ay a kapah a tayra i Ripon a malahitay. Ira ko cecay a kapah i taterongan no kalalood. Matama^ no laco^ ko kawatan a kamay. Caay ka nga'ay a paisingen, orasaka keton hanto koya kawana a kamay.

Yo taloma' to a tayra i niyaro', maka'araw no itiya:ay ho a mamiholol niira, talaliyasliyas saan a mapili' to nika keton no kamay. Wa:tah ko nika kesem no faloco' . Nikawrira, caay ka toled ko faloco' misarocod cingra a matayal. Ano 'arawen ko pifalod ningra to sepelhaw i, matiya o tosaay ko kamay a makeleckelec, matira ko fana' ningra a matayal.

Fahal ira ko cifaloco'ay a fafahiyan. Malecad ko faloco' nangra a masasiolah ta maramod. Ciwawa^ to, dadado^saan a pasafa^. 'Aloman to ko wawa^.

Nikawrira mafana' kita to orip' no mawmahay. Ano tata'ang ko fali^ mararid ko 'orad haw i, ma'opic ko panay, malahol ko pinaloma'. Caay ka kadofah ko kinaira no pala^. Orasaka mangarod ko saka 'orip, Marihateng ningra ko sowal no tao, “adihay ko katayalan i Tay-pak.” saan. saka,

safolofolod saan to fafahi^ ato wawa^ a tayra i Tay-pak. O tosaay ko kamay hanimaan. O mafana'ay to sowal no kawaping hanimaan. Caay pakakilim to nga'ayay a katayalan. Mararom ko faloco' ningra, comekele i cikaw no lalan a misacofaycofay ko faloco'. Yo mito'aya^ cingra haw i. Meli^ sa i ka'ayaw nigra ko mifalahan a tipelopelo' ato maramarad. Rihateng saan to cangra, “ano sapoden no mita ko matiniay a pacakay, ma^deng o sapicakay to kakaenen. O mama'orip ko wawa^ no mita.” Orasaka cakay sato salingsya^, saromi'ami'ad sadadayadaya^ sato a matayal. O 'orad kini, o cidal kini caay ka saan. O dafak i, o 'aresing ko cikap a malingad. O dadaya i, o fo'is ko tamohong nangra a taloma'. Matira ko nika ngarngar a matayal. Nika ciromi'ad to i, mato'as to ko wawa^. Pakacakay to citongrohay a loma' ato paliding. O kakahemekan no tao, tada o ciepocay ko demak.

(文章大意 僅供參考) ※字數限 200 字

生命鬥士

有位青年被子彈擊中右手臂，無法治癒而被截肢，從此殘疾。他沒有灰心喪志，勇敢面對。務農的生活靠天吃飯，遇颱風或連日豪雨，水稻有白穗症，農作物產量減少，三餐不繼。聽說，台北就業機會多，舉家搬遷到台北，看到工廠丟棄紙類、破銅爛鐵，心想？如果收集起來變賣，子女就有得吃，就買了三輪車靠著拾荒為生，日復一日年復一年，不畏雨淋日曬，每天晨曦相伴，披星戴月勤奮的工作，生活提升、買房，是位殘而不廢的勇士。